

重刊西安縣志

玖

民國拾年四月李會麟自柯城



西安縣志卷四十二

列女

小引

夫婦之道壹與之齊終身不改靡慝靡它衛風所以
重柏舟也復有未賦天桃甘同集蓼甚而碎首決脰
死生以之坤至柔而動也剛此固性由天植亦

國家教化之隆特重名節表彰幽隱有以樹之風聲而興
起焉耳志列女

烈女

宋

韋氏

韋居安梅礪詩話余丙子歲司糾三衢四月二十三日西安縣管下諸郡草寇攻城甚急余挈累往

城北菱角塘孔宰家避難午後城破賊浴門剽掠余孀女被擄賊欲亂之極口詬罵不屈遂斃於毒手余嘗有詩悼之曰視死如歸不受汚今無彤管爲伊書倉皇父子終天訣菱角塘邊孔氏居

元

鄭元哲妻韓氏

林有年韓烈婦傳元哲任鄱陽主簿適當徐壽輝倡亂元哲率僚屬設法捍禦

子同壽欲護母歸再往侍父氏叱之曰汝何出此言此正効死之時吾何得獨生爾當侍衛爾父母庸顧我及城陷元哲與子奮罵不屈俱遇害

氏乃沐浴更衣自經於署之冰玉軒

鄭庸妻王氏

林有年王烈婦傳元季丙午之亂大軍壓境室無完廬婦無完節氏歎曰與其避難

而失身不若守死而全節將
子寄養於母家遂溺井而死

明

孔聞勉妻徐氏

舊志夫疾侍奉湯藥衣不解帶者三年
兼事舅姑親操井臼夫亡發引逾七日

赴井而死貼體衣裳密縫鍼綫萬歷
間旌表督府委官祭奠立石于墓

王招娘

府志守備王英女年方及笄明
兵至懼為所污赴余氏池中死

鄭道翼妻方氏

受書堂稿明季為亂兵所獲將犯之氏
紿曰前前乘間赴河而死兵怒以長矛

刺之河水盡
赤見者傷焉

葉應愷妻馬氏

受書堂稿孝敬端恪夙嫻婦道丙戌秋
城陷亂卒將犯之氏大罵從樓上赴池

而死數日夫收其屍衣服表裏皆連衽縫
綴不畱寸隙類其面如生人咸歎異之

程國駿妻劉氏

府志于歸未久適城破兵士入其家氏恐辱以簪珥餌之乘間躍入井中而死

程四妻馬氏

茹菴文集丙戌八月氏知城將破預密縫其衣裾後爲卒所掠將攜去不從投井而

死又一婦不知其姓氏卒攜之入營亦自投於水水淺頂不沒卒以矛刺之死

李國本妻徐氏

胡蔚文李烈婦傳明季馬士英潰軍南奔沿途大肆劫掠氏爲所擄詬罵不屈

一子方十齡哭泣隨母後賊先殺之氏愈肆詈賊忿甚裂其屍而去厥後夫感其義終身不娶祀遂斬焉

顧氏

府志江南長洲人父故宦家丙戌攜女將入閩寓西安三橋王姓八月城破女密自縫其衣裾至趙

清獻公祠投井死父去數日里人出其屍殯葬之

國朝

鄭榮組妻徐氏

府志榮組父爲族弟所擊榮組往救之遂死其冬榮組父亦死明年氏子五元

七元遇其人於途之墮其鼻其人控於縣縣逮五
元兄弟氏詣縣訴之署令不省氏觸石碑而死時康
熙戊辰六月也典史爲置櫬露置於城西鐵塔下乙
亥春邑令陳鵬年鬻地備禮以葬復建孝烈祠於墓
旁以祀之

徐學詩妻余氏

舊志學詩家貧與氏依苦茅咽糠粃度日康熙乙亥迫於逋負值歲暮惶急自

經死氏撫屍一慟爲薄置殯具藁葬訖卽闔門自縊於夫死處距夫死恰一日時氏年三十

杜邦慶妻鄭氏

乾隆三十年旌

侯德義妻江氏

題旌冊德義釀酒爲業鄰子鄭某往市酒值德義他出見氏獨居戲拉氏手以

調之氏極口喊罵始逸去德義歸泣訴受侮狀忿不欲生次晨卽自縊死

羅氏二節

題旌冊福建連城縣貢生羅勝章在西邑貿易娶妻林氏與弟國學生羅海文妻陳氏爲

妯娌同處店樓日暮陳往樓簷收曝衣林持燈隨後
比隣某戲拾瓦片於黑暗中擲樓上二氏固不知其
爲誰何也有無賴子謝某者見之斥其調戲并出
穢語汚二氏二氏聞之不勝忿俱自經以明志

張秀英

題旌冊邑人張有榮女幼喪母依祖母潘氏居
年十六許字王姓婚有期矣前一月鄰子祝某

晚見女於門首出褻語戲之女忿甚哭
告於祖母乘祖母往訴祝母遂自縊死

劉冬娘

題旌冊周有娜童養妻未及婚有娜他出傭工
冬娘與夫弟某先後出採薪傍晚途中夫弟調

戲之冬娘喊罵抓傷其腴夫弟忿怒用
刀砍之冬娘愈肆詈遂連砍其屍而死

徐長泰妻倪氏

公舉事實結縭後產男女各一夫病廢
晝夜勤織紆以佐醫藥家窶甚翁姑欲

嫁之氏曰從一而終婦人之義夫死猶不可背夫病
而生離狗彘將不食吾餘翁姑卒與人有成議氏知

不能違遂攜幼女溺
池水而死時年二十

貞女

明

黃玉瑩

兩浙名賢錄許配周天寵未嫁而天寵病廢黃

睹氏目遂冥氏年十九慟哭盡哀送葬途有高壑將

欲授之侍婢夾持而免自是每袖一繩以誓必死悉

周貞姑

府志周賢女幼聰慧曉書算年十餘歲時有星

凡子圯為嗣後圯中成化辛卯舉人

黃金娘

天啟府志黃良之女許配王子智子智亡金娘

為子婦母勸諭之金娘不從孝姑嫜

國朝

江徐氏

名琴姑庠生徐望輝女許配江起龍未婚而起

鶴

卒

父祕弗與聞

女廉知之倚

丹

悲泣三晝

夜前一日謂同居之孀

孀云來日母小

祥早起設奠

將卽問安於舅姑次晨

孀往女寢室已服斬衰自縊

死時乾隆十六年三月十九日也邑侯

高詳請建坊於墓表其節復親爲之贊

邑侯

高詳請建坊於墓表其節復親爲之贊

邑侯

高詳請建坊於墓表其節復親爲之贊

邑侯

周一萼妻方氏

題旌冊邑人方志寬女許字周一萼未婚而一萼亡氏誓不他適詣周守節孝

事舅姑撫教繼子元仕家素貧養生送死事皆氏日夕勤紡績營之未幾元仕又歿氏復撫其孫增福艱

苦備嘗歷四十餘年如一日

葉向皓妻陳氏

題旌冊生員陳翰瑤女許字葉向皓將婚向皓歿氏流涕謂母曰女之字葉父

命也以父命爲正遂矢不他適母老病動止需人氏侍疾十餘年無少怠居常雖至戚罕得見其面

朱環姑公舉事實茶莊朱祖光女性聰慧年十三遭母喪哀痛幾絕撫三妹一弟每提携不忍暫釋祖

光失偶後不復娶家事無大小悉委姑理之多井井及笄父將擇壻姑以父老弟幼矢志不嫁既而弟娶繆亦賢淑相與奉甘旨以娛高年父歿與弟同執三年喪年六十餘猶助繆操作不少倦時以比之北宮嬰兒

陳煥材妻嚴氏

公舉事實生員嚴萬欽女幼失怙恃胞叔鏐撫養如己女及笄許字陳煥材未

婚而煥材卒計聞女誓與夫同穴或諷以輕塵弱草之說輒痛哭不欲生叔知不可奪送往陳門女乃服衰守喪帷孝事邁姑足不踰閬者垂二十年

鄭明芳妻楊氏

公舉事實鄭氏童養媳夫明芳年十三殤親族勸其他適誓死絕之姑病瘋勤

鍼指佐甘旨如是者垂數十年始得以天年終撫夫姪為嗣教養有方年六十餘無疾而逝天台齊召南

宗伯書完貞
純孝額褒之

鄭瑤妻朱氏

公舉事實年十九將親迎夫暴亡氏泣誓守貞終身勿字勤紡績以奉高堂自茹荼

苦迄今五十一載足不踰閭
口無怨尤洵爲幽貞令範

節孝

元

沈忠顯妻孫氏

宏治府志居衢城北隅夫爲百戶大德間從征雲南陣亡氏盡禮追遠家貧子

女俱幼躬紡績質粟訓子
讀書旣長襲職受封恭人

祝氏二節

府志祝寄生妻陳氏元末紅巾賊亂氏孀居年二十四被掠不屈辱賊割其兩乳殞絕時

彷彿聞人語曰嚼菖蒲飲澗水可愈如言果獲安年
七十三而歿媳吳氏年二十八守志壽九十三歲卒

兩世
完節

明

閩州守某妻宋氏

列朝詩集洪武初夫西安人爲閩州守坐累死家人遣戍金齒衛氏奉姑

偕行題長歌于郵壁間太祖聞而釋之賜以閩守之祿養其姑今雲南永昌城西有節孝碑都御史王中題其陰祠則陰汝兆所建也歌見藝文

陳彥文妻龔氏

宏治府志年二十一生子遇歲夫亡慟哭三日不食姑曰死生有命汝能仰事

俯育無愧婦道足矣龔卽節哀奉舅姑素服澹如誓不再適

徐思誠妻鄭氏

宋濂徐貞婦傳名妙靜舅歿思誠出卜藏地舟覆溺死婦葬舅與夫養姑撫二

子謙貞俾從醇儒學雖寒燈涼幌人不能堪婦處之裕如父母及諸姊憫其年少欲使更醮婦曰吾夫固

亡有二子在脫無子姑老義亦不忍去卽引刀截髻以誓聞者懼不敢撼二子成立謙爲瀧水丞洪武三年旌表其門

潘存智妻吳氏

府志存智以富戶奉調實京師遙途勞勩早逝氏撫孤子彥英彥廣以冲齡仍

應徭役又奉縣編輪應河南管城驛課馬拮据兩地一孤復殞氏飲痛叩閭陳情獲免丁役南旋撫次子彥廣復整舊業延師課讀以郡博士員拔成均上舍歷世子姓繁衍皆氏賢節貽謀之所著云

夏顯七妻蔣氏

續文獻通考夫亡時年二十二子在襁褓值元末兵亂備嘗艱險誓不改節洪

武中旌其門

楊智二妻陳氏

宏治府志年踰二十夫亡父母欲強嫁之氏以死自誓孝養舅姑

海仕倫妻方氏

宏治府志年二十三夫亡誓不再適孝養翁姑撫幼子成人孀居四十年

楊鎖妻胡氏

嘉靖府志 鑊客死於閩氏年二十四或

至八十五卒巡按奏旌其門

何克讓妻徐氏

嘉靖府志 年二十二而寡子幼氏善事舅姑嘗割股和藥姑疾遂愈氏年八十

卒

鄭繼妻徐氏

林有年筆記 年十八于歸二十二歲夫亡遺二孤撫養教誨茹苦茶蘖年九十卒

張廷濟妻黃氏

嘉靖府志 年二十二夫亡無子墓旁被火氏獨守廬墓至七十歲終

生員舒昌妻吳氏

嘉靖府志 年二十夫亡遺腹一女勵志守節卒年八十六行輩四人俱年

少守節由氏化之也

劉璉妻鄭氏

舊志 年二十夫亡父母憐其年幼家貧諷令他適氏甘心茹苦紡績以撫遺孤守節

七十九

歲終

胡彥清妻王氏

嘉靖府志年二十五夫亡姑使他適氏不從年七十六卒常折梅花二枝插

靈前逾月結實數
賴人謂節操所感

朱正妻葉氏

嘉靖府志正有惡疾氏事之不少懈年二十正亡家貧無子守節五十餘年卒

方銓妻沈氏

嘉靖府志年十七夫亡家極貧無子守節五十餘年卒

杜應驪妻徐氏

府志年十七而嫁未及期而夫亡斷髮為誓事孀姑四十六年姑死氏隨卒

徐和妻吳氏

崇禎府志和亡氏年十八遺腹生子家貧或勸其改嫁不從後撫孤成立詔旌其門

吳氏二節

通志吳銓妻桂氏銓亡桂矢志守貞育子孟杰亦早卒妻黃氏與姑共矢冰蘖紡績自給

鄭氏二節

通志鄭樟妻杜氏夫亡守節子煜娶毛氏煜歿毛氏與姑矢志同守

葉氏二節

崇禎府志葉十二妻張氏十二死氏年十八遺腹生女父母欲嫁之不從立從子良桂為

嗣娶鄭氏良桂亦亡鄭守節與姑俱以壽終葉族為二氏立祠置祀田致祭

孫氏二節

崇禎府志孫正記妻鄭氏年二十二正記亡子枝美娶葉氏年二十七枝美亡婦姑俱以

節著

葉元會妻陳氏

崇禎府志元會死孝事舅姑舅姑卒氏縊而死

楊仲然妻鄭氏

通志嫁半載夫亡無子事翁姑孝撫叔子為嗣孀居五十三年

徐氏三節

府志徐良斌妻葉氏年二十八夫亡守節五十五年子應衢娶鄭氏年二十應衢亦亡親

族逼之改嫁鄭攜子大成居母家守節五十二年大成亦娶鄭氏大成亡鄭年三十事姑訓子卒年五十

生員胡可及妻徐氏

通志年二十四夫亡撫孤成立事繼姑尤孝姑病籲天願減已壽以

愈姑疾隣火及廬烈焰遽返人謂苦節所感年七十一而卒建坊旌表

胡可宗妻鄭氏

府志年十九夫亡守節五十餘年有司旌其苦節

陳景山妻鄭氏

宏治府志年二十夫亡家貧誓不適人撫孤子成立

陳餘旦妻孔氏

舊志年二十六夫亡無子撫姪為嗣守節五十餘年素服澹如年七十九卒

杜永恭妻徐氏

府志年二十五守節宏治中旌表

徐愷妻程氏

舊志年二十三夫亡遺孤五齡甘心守志孝養繼姑絕無間言年六十卒

孔彥纁妻鄒氏

宏治府志年二十四夫亡姑老子幼仰事俯育鄉里稱之守節四十六年年七